

KONTROL MOZIOA

Herrerako biziberritze beharrak direla-eta

Amaia Almirall Lopez de Luzuriaga EH BILDU udal taldeko zinegotziak, Udaltzaren Organo Araudiko 98. artikulua oinarri, mozio hau aurkezten du, Udaltzaren azter dadin. Mozioa 2017ko ekainaren 19an Gune Publikoen eta Obra eta Hiri Zerbitzuen Batzordean aztertutako interpelazioaren ondorioa da.

JUSTIFIKAZIOA

2016ko azaroaren 24an, Donostiako Udaltzaren jarraian zerrendatuko ditugun erabakiak hartu zituen, Herrera biziberritzeko beharra dela-eta eztabaidagai izan zen mozio arruntaren ondorioz, eta adostu ziren edukiak kontuan hartuta:

“1.- Donostiako Udaltzaren eskatzen die erakunde inplikatuari, hau da, Eusko Jaurlaritzari, Portuko Agintaritzari, Foru Aldundiari eta dagokien udalei aurrerantzean ere jarrai dezatela bizilagunekin batera lanean Herrera biziberritzeko erakunde arteko lana sustatzeko.

2.- Donostiako Udaltzaren eskatzen die jarrai dezatela Herrera osoki biziberritzeko prozesuan sartzen alde horretan dauden beharrak, auzokoen eskaerak –hala nola kirol instalazioen gainekoa– aintzat hartuz.

3.- Donostiako Udaltzaren Osoko Bilkurak eskatzen dio Gipuzkoako Foru Aldundiari, eta bereziki, Bide Azpiegituren Foru Departamentuari, Ingurubidearen sarrera-irteeren ondorioz, Elosegi alkatearen hiribidearen bukaera aldera, 120 eta 125 zenbakien bitartean dauden bi zuloak estaltzeko egitasmoari ekin diezaion, eta horretarako proiektua enkargatu eta dagokion aurrekontuak aurreikus ditzan.

4.- Donostiako Udaltzaren eskatzen die Gipuzkoako Foru Aldundiari, Eusko Jaurlaritzari eta Pasaiako Portuko Agintaritzari Herrera eta Trintxerpe oinezkoentzat lotzerakoan ez dezatela pertsonen segurtasunerako puntu kritikorik sortu.”

Martxoaren 20an azaldutakoaren betekizuna zertan zen galdetuta, eman zitzaizkigun azalpenek Udal Gobernuarekin lanean ari zela adierazten zuten, baina guztiz azalpen orokorrak jaso genituen:

1. Lana bizilagunekin batera egiten ari ote den ez zen argitu. Eta badakigu ez dela hala egin, Udalarik dagokionez.

2. Auzokoen eskaerak aztertzen ari omen dira, baina Gipuzkoako Foru Aldundiak agindu zuen egitasmoa (bota zuten frontoiari zegokiona) oraindik agertu ere ez da egin

3. Garbiketa eta txukunketa eginak zirela agertu zuen zinegotzi ordezkariak, eta Azpiegituren Foru diputatuak oso argi utzi duela zuloak ez direla estaliko. Interpelazioa aurkeztu genuen aste berean oraindik txukunketa lanetan ari zirela alde batera utzita, larria da Udalbatzak hartu duen erabaki baten aurrean ezezko borobila jaso eta ezertan ez geratzea.

4. Puntu kritikoen ezabaketa helburu konpartitu eta inportantea da Donostiako Udalean, dirua eta baliabide asko inbertitu dira lehendik zeudenak ezabatzen, eta beraz, ez da onargarria egitasmo berrietan trataera egokiak ez aurreikustea. Zinegotzi ordezkariak kezka honen trasladoa emana zegoela aipatu zuen, baina fintzeko falta zela. Izan ere, jakin dugunaren arabera, eraikiko den loturaren aldapak, irisgarritasun baldintzak ez betetzeaz gain, puntu kritikoen ezabaketa ziurtatu duenik ez dago bat ere argi.

Hedabideen bidez jakin genuen Eusko Jaurlaritza eta Pasaiaiko Portuko Agintaritzaren artean adosturiko plana hastekotan dagoela, urari dagokion Donostiako Udalaren baimen baten faltan. Beraz, Donostiako Udalak ongi ezagutu behar du egitasmoaren inguruko guztia, eta ea egitasmo horrek bere baitan jasoko dituen Udalbatzak hartu zituen erabakiak. Informazioak bat ez zetozenez, alkate jaunari interpelazioa luzatu genion ekainaren 19an. Batzordean, Hirigintza Sostengagarriko eta Hiri Proiektuetako zinegotzi ordezkariak erantzuteko aukera izan ez zuela, eta beste berririk gabe, Udalbatzak 2016ko azaroaren 24an hartu zituen erabakiak betetzeko beharraz neurri berriak hartzea ezinbestekoa da.

Horiek horrela, hauxe da behean sinatzen duen zinegotziak aurkezten duen **MOZIOA**:

1,- Udalbatzak eskatzen dio Udal Gobernuari, “Herrerako Biziberritze beharrak direla-eta”, 2016ko azaroaren 24ko Udalbatzaren erabakiak agintzen duena betetzeari begira (1., 2. eta 4. puntuei dagokienez), zehatz ditzala egin dituen kudeaketak, eta kudeaketa horiek jaso dituzten emaitzak ezagutzera eman ditzala udal taldeen zein herritarren artean.

2,- Udalbatzak eskatzen dio Udal Gobernuari, “Herrerako Biziberritze beharrak direla-eta”, 2016ko azaroaren 24ko Udalbatzaren erabakiak agintzen duena (1., 2. eta 4. puntuei dagokienez) betetzea ezina bada zehatz dezala zein alternatiba bideratuko duen eta zein epetan, erabakiaren betekizuna gauzatze aldera, eta planteamendu horiek ezagutzera eman ditzala udal taldeen zein herritarren artean.

3,- Udalbatzak eskatzen dio Udal Gobernuari, 2016ko azaroaren 24ko Udalbatzaren erabakiak 3. puntuari dagokionez agintzen duena betetzeko, Gipuzkoako Foru Aldundiaren partetik jaso duen ezezkoaren aurrean, zehatz dezala zein alternatiba bideratuko duen eta zein epetan, eta planteamendu horiek ezagutzera eman ditzala udal taldeen zein herritarren artean.

Donostian, 2017ko ekainaren 23an

Amaia Almirall Lopez de Luzuriaga
EH Bildu udal taldeko zinegotzia